

ՔԱՅԱՀԱՅՏԻՉ-ՔԱՑԱՀԱՅՏՅԱԼԻ ԿԱՊԱԿՑՈՒԹՅՈՒՆԸ ԳՐԱԲԱՐՈՒՄ

Է.Ս. ՄԿՐՏՉԱՆ

Գրաբարի գոյականական անդամի լրացական կապակցություններից որոշիչ-որոշյալի, հատկացուցիչ-հատկացյալի կապակցությունները դարձել են ատենախոսությունների, հոդվածների, մենագրությունների մյուս և առանձին քննության ենթարկվել բառակապակցությունների ուսմունքում, մինչդեռ բացահայտիչ-բացահայտյալի կապակցությունը այդպիսի հետազոտման չի ենթարկվել, քանզի այն չի մտնում արդի ըմբռնումով ներկայացվող բառակապակցության մեջ¹:

Գրաբարի քերականները, անշուշտ, բնութագրել են բացահայտիչը, բացահայտիչ-բացահայտյալ կապակցությունը, սակայն նրանց՝ բացահայտիչի վերաբերյալ շատ ըմբռնումներ այսօր ընդունելի չեն. նրանք բացահայտիչ են համարել միմյանց մոտ դրվող գոյականները, ներառյալ գոյական որոշիչները, որոնք կարող են լինել և՛ նախադաս, և՛ հետադաս: Այդ հարցի պարզաբանմանը հատկապես անդրադարձել է Հ.Ավետիսյանը²: Քանի որ նա բնութագրում է որոշիչը, իսկ քերականները գոյական որոշիչները բացահայտիչ են համարում³, ուստի հանգամանորեն ներկայացնում է նրանց կողմից բացահայտչին և բացահայտյալին վերաբերող փաստերն ու մեկնաբանությունները, ապա նշում այն տարբերակիչ հատկանիշներն ու միջոցները, որոնցով կարելի է զանազանել գրաբարի գոյական որոշիչը բացահայտչից⁴: Ընդունելի համարելով նրա բացատրություններն ու առաջարկները՝ ստորև անդրադառնում ենք դրանց՝ կատարելով որոշ հավելումներ:

Ինչո՞ւ գրաբարի քերականները չկարողացան տարբերակել գոյականական որոշիչները և բացահայտիչները: Ըստ Հ.Ավետիսյանի՝ 2 հանգամանքով.

1. *Շարադասական*: Նախադաս բացահայտչի ընդունումը, որի ազդեցությամբ բացահայտիչ են համարվում մույն կամ մույնատեսակ գոյականները հետադաս գործածվելիս⁵:

2. *Արտաբերական*: Բացահայտչի տրոհվող արտաբերության անտեսումը⁶: «Տրոհվող արտաբերությունը հայերենի բացահայտչի ձևավորման, ուստի և այն գոյական որոշիչից տարբերելու ամենաէական հատկանիշներից մեկն է» (ընգծումները մերն են-Է.Մ.)⁷: Օրինակ՝ յԱյրարատ *գաւառ. գետն* Երասխ կապակցություններում տրոհվող արտաբերություն չկա, և բացահայտիչ պատկերացնելն ավելորդ է, իսկ «Ջրուան հայր մեր խորհեցաւ» (Եզն., 92) նախադասության մեջ *Ջրուան հայր մեր* կապակցության *Ջրուան* և *հայր մեր* բաղադրիչների միջև տրոհվող արտաբերություն կա, որն էլ հենց բացահայտիչը որոշիչից տարբերելու միջոց է. *հայր* բացահայտիչ է (*մեր* հատկացուցիչ

¹ Վ.Քոսյանը նկատում է, որ «բացահայտիչը, որն իր լրացյալից միշտ տրոհված է հանդես գալիս, նախադասության անդամ է, սակայն այն բառակապակցություն չի կազմում» (տե՛ս Վ. Քոսյան, Ժամանակակից հայերենի բառակապակցությունները, Ե., 1975, էջ 31):

² Տե՛ս Հ. Ավետիսյան, Որոշիչ-որոշյալի կապակցությունը գրաբարում, Ե., 1972, էջ 89-106:

³ Տե՛ս մույն տեղում, էջ 91-96:

⁴ Տե՛ս մույն տեղում, էջ 96-100:

⁵ Տե՛ս մույն տեղում, էջ 90-96:

⁶ Տե՛ս մույն տեղում, էջ 96:

⁷ Նույն տեղում, էջ 97:

է), *Ջրուան*⁸ բացահայտյալ: Այդպես էլ՝ «Քանան ծնալ զՄիդոն զանդրանիկ իւր» (Ծն., Ժ, 15) նախադասության մեջ *զՄիդոն և զանդրանիկ իւր* բաղադրիչների միջև տրոհվող արտաբերություն կա. *զանդրանիկ* բացահայտիչ է (*իւր* հատկացուցիչ է), *զՄիդոն* բացահայտյալ:

Հ.Ավետիսյանը պաշտպանում է գրաբարի այն քերականներին, ովքեր գտնում են, որ բացահայտիչը չի կարող լինել նախադաս, որովհետև «իբրև բացահայտիչ է ըմբռնվում հետադաս գոյականը՝ անկախ նախադաս գոյականի (իմա՝ բացահայտյալի-է.Մ.) բովանդակությունից, որը կարող է լինել թե՛ եզակի, թե՛ ընդհանուր, թե՛ անհայտ, թե՛ շատ կողմերով հայտնի: *Ինչպիսի առարկա էլ լինի, այն միշտ կարող է բացահայտվել մի մոր հատկանիշով*» (ընդգծումը մերն է-է.Մ.)⁹:

Բացահայտչի տեսակները և շարադասությունը: Բացահայտիչ-բացահայտյալի շարադասությունը կարելի է քննել, եթե պարզ են բացահայտչի տեսակները, որովհետև տարբեր տեսակի բացահայտիչներն ունեն տարբեր շարադասություն: Ուրեմն տվյալ դեպքում շարադասությունը կապվում է տեսակների հետ: Բանն այդպես է և՛ գրաբարում, և՛ արդի հայերենում:

Բացահայտչի տեսակների որոշման հարցը քերականագիտական, տեսական հարց է, որը բխում է լեզվի տվյալ շրջանի գրավոր աղբյուրների փաստերից, նախադասություններից: Արդի հայերենի բացահայտչի տեսակները որոշվել են մոր-շրջանի, իսկ գրաբարինը՝ հին շրջանի գրավոր խոսքի հիման վրա: Խոսքի և նախադասության կառուցվածքային տարբերություններ, անշուշտ, կան, սակայն կան նաև ծանրակշիռ ընդհանրություններ, որոնց հիման վրա կարելի է արդի հայերենի բացահայտչին վերաբերող քերականական գիտելիքները կիրառել նաև գրաբարի բացահայտչի վերաբերյալ: Ուստի, առաջնորդվելով այդ սկզբունքով, միաժամանակ նշում ենք, որ բացահայտչի դրսևորումների վերաբերյալ գրաբարի քերականների տեսական մոտեցումներն ու մեկնաբանությունները չեն բավարարում նյութը ամբողջությամբ ընդգրկելու, հետևապես վերջիններս կօգտագործվեն որպես օժանդակ միջոց: Մենք համաձայն ենք գրաբարի բացահայտչի երեք տեսակի ընդունմանը՝ *սովորական* կամ *բուն*, *մասնական*, *մասնավորող պարագայական*¹⁰:

Ա) *Սովորական կամ բուն բացահայտիչ*: Սովորական կամ բուն բացահայտիչը գրաբարում բացահայտիչներից ամենատարածվածն է, միայն հետադաս գործածություն ունի և բազմազան կառույցներում է հանդես գալիս: Քանի որ գրաբարում բացահայտիչը բացահայտյալից կանոնարկված կետադրությամբ չի տրոհվում, ուստի բացահայտիչների և բացահայտյալների որոշման հիմքում ընկած է ենթադրյալ տրոհվող արտաբերությունը, որի անտեսումով հնարավոր է որոշիչ և բացահայտչի աննշան շփոթ էլ լինի¹⁰: Ուստի անհրաժեշտ ենք համարում բացահայտիչ-բացահայտյալի ընդհանուր կա-

⁸ Նույն տեղում, էջ 97:

⁹ Տարբեր քերականներ ընդունում են հայոց լեզվի բացահայտչի տարբեր տեսակներ. օրինակ՝ *սովորական, մասնական* (տես Ս. Ղազարյան, Հայոց գրական լեզվի պատմություն, հ. Ա, Ե., 1961, էջ 427), *բուն, մասնական, մասնավորող պարագայական* (տես Ս.Աբրահամյան, Ժամանակակից գրական հայերեն, Ե., 1981, էջ 290), *սովորական, մասնական, պարագայական մասնավորող, տեղեկանքային* (տես Ռ.Իշխանյան, Արդի հայերենի շարահյուսություն, Ե., 1986, էջ 165):

¹⁰ Օրինակ՝ *Աբրահամ հայր մեր* կապակցությունը, որ կարող է ըմբռնվել երկու ձևով՝ 1. *Աբրահամը՝ մեր հայրը* (բացահայտիչ-բացահայտյալ) և 2. *Մեր հայր Աբրահամը* կամ *Մեր Աբրահամ հայրը* (որոշիչ-որոշյալ):

սակցություններից առանձնացնել և որոշ խմբավորման ենթարկել սովորական կամ բուն բացահայտչի կառույցները¹¹: Դրանով կորոշվեն նաև սովորական կամ բուն բացահայտչի և մյուս տեսակների սահմանները:

1. Որևէ տոհմի, ազգի, ցեղի ծագումնաբանությունը ներկայացնելիս հարկ է լինում սկզբնապատճառից՝ նախահորից, նախամորից, մեկ ուրիշից անցնել մյուսներին, և այսպես յուրաքանչյուր հաջորդի անունը նախորդի անվան բացահայտիչն է: Այդ թվարկումները արտաբերվում են ինչ-որ դադարով, տրոհումով, որպիսի օրինակներ շատ են հանդիպում Աստվածաշնչում և Խորենացու երկում¹²: Ինչպես՝ Յետ այսր վախճանեալ եպիսկոպոսապետն Ասպուրակէս, ի տեղի մորա յաջորդէ Խոսրով *զՍահակ որդի Մեծին Ներսիսի, որդւոյ Աթանագենի, որդւոյ Յուսկան, որդւոյ Վրթանիսի, որդւոյ սրբոյն Գրիգորի* [ՀՀ, 7(3), 241]: Եւ յետ բանիցս այսոցիկ ի թագաւորութեանն Արտաշիսի արքայի Պարսից և Եգրայ *որդի Սարուայ, որդւոյ Ագարեայ, որդւոյ Զեղկեայ, որդւոյ Սեղումայ, որդւոյ Սադովկայ, որդւոյ Աքիտովբայ, որդւոյ Ամարեայ, որդւոյ Ագարեայ, որդւոյ Մարովթայ, որդւոյ Չարեայ, որդւոյ Ռգեայ, որդւոյ Բովկայ, որդւոյ Արիսուայ, որդւոյ Փենենէսի, որդւոյ Եղիազարու, որդւոյ Ահարոնի* (Եգր., Է, 1-5)*:

2. Եթե հաջորդական թվարկումը սահմանափակվում է առաջին և երկրորդ աստիճանների նշումով, իսկ լրացում-լրացյալ հանդիսացող այդ աստիճանները իրենց հերթին ունեն լրացումներ, ապա դրանք էլ սովորական կամ բուն բացահայտչով կապակցություններ են: Օրինակ՝ Վասն *կնոջ իւրոյ Աշխենայ* տիկնոջ (Ագթ., ԶԵ, 397)*: Առաքէ *զՍմբատ* ասպետ, *զհայր Բագարատայ* (ՄԽ, II, ԶԳ, 255)*: Սկիզբն արարեալ յամացն *Արշակայ* արքայի *որդւոյն Տիրանայ*, և կոռէր մինչև յամն վեցերորդ *Արտաշիսի* արքայի Հայոց, *որդւոյն Վռամշապիոյ* (Ե., 12): Եվ կին մի <...> աղաղակէր առ Եղիսէ և ասէր, *ծառայքոյ, այր իմ մեռաւ* (Դ Թագ., Դ, 1)*:

3. Եթե իրար հաջորդող գոյականներից մեկն ունի լրացում (ավելի շուտ՝ հատկացուցիչ), երկրորդը սովորական կամ բուն բացահայտիչ է: Օրինակ՝ Յորժամ ասիցէ *Յեսու որդի Նաւեայ* (ԵԿ, II, ԻԵ, 131)*: Եվ կոոց և դրօշկոց հանգամանք՝ առ *Թարայի հարք* Աբրահամու (անդ, III, Ե., 144)*: Սպանանել *զքահանայապետն* Աստուծոյ *զՎրթանէս* (ՓԲ, III, Գ, 7)*: Մեծ թագաւորն Յունաց *թագաւորեցոյց զՊապ գորդին* Արշակայ (անդ, V, Ա, 155)*: Որ էր հայր *հաւուն քո Յազկերտի* (Եղշ., II 45)*: Եւ *Սարա, կին* Աբրամու, ոչ ծնանէր նմա (Ծն., ԺԶ, 1)*:

4. Ընդհանուր հասկացություն ունեցող նախադաս գոյականը կամ գոյականաբար առնված բառը կարող է ունենալ հետադաս գոյականներ, որոնք բացահայտում են այդ ընդհանուրի մեջ մտնող մասնավոր հասկացությունները, դրանք սովորական կամ բուն բացահայտիչներ են: Օրինակ՝ Եւ տայր պատերազմ շուրջ *ընդ ամենայն թշնամիս* իւր, *ընդ Մովսրայ* եւ *ընդ որդիսն* Ամոնայ եւ *ընդ որդիսն* Եդովմայ եւ *ընդ Բեթովրայ* եւ *ընդ թագաւորին* Մուբայ եւ *ընդ այլազգիսն* (Ա թագ., ԺԴ, 47)*: Եւ ծնաւ Նոյ երիս *որդիս, զՍէմ, զՔամ, զՅաբէթ* (Ծն., Զ, 10)*: Վասն այնորիկ ի միում ատուր եկեսցեն ի վերայ դորա հարուածք՝ *մահ* եւ *սուգ* եւ *սով* (Յայտն., ԺԸ, 8)*: Սոքա *երեքին* են որ վկայեն, Հոգին, ջուրն եւ արիւն (Ա Յով., Ե, 3)*: Արդ ի բաց թօթափեցէր եւ դուք *զայն*

¹¹ Հ.Ավետիսյանը մասնակիորեն անդրադարձել է սույն խնդրին (տե՛ս նշվ. աշխ., էջ 97-100):

¹² Հմտ. Հ.Ավետիսյանի և մեր կողմից վկայված օրինակները: Հ.Ավետիսյանի օրինակները (տե՛ս նշվ. աշխ.) տրվում են աստղանիշով:

ամենայն. զբարկություն, զսրտմութիւն, զչարութիւն, զհայիտութիւն, զխեղկատակութիւն ի բերանոց ձերոց (Կող., Գ, 8)*:

5. Սովորական կամ բուն բացահայտիչը բացահայտայից ընդմիջարկվում է այլևայլ կառույցներով, կապակցություններով, սակայն նրանք կապվում են շարահյուսորեն, ինչպես նաև տրամաբանորեն: Օրինակ՝ Առ դու գորդիդ քո սիրելի գոր սիրեցեր՝ *զհասահակ* (Ծն., ԻԲ, 2)*: Ունիմք այսուհետև *Քահանայապետ* մեծ անցեալ ընդ երկինս, *զՅիսուս* (Եբր., Դ, 14)*: *Արտաւագդայ* ոչ գտեալ, ասեն, քաջի *որդւոյն* Արտաշիսի, տեղեկիկ ապարանից (Խ., 100). այստեղ շարահյուսական կապի օգնությամբ պիտի որոշել, թե որն է բացահայտիչը. *Արտաւագդայ* սեռական հոլովով ենթակա է, նրա լրացումը՝ *որդւոյն*, համաձայնել է նրա հետ և բացահայտիչ է:

Այսպիսով, բերված օրինակներից տեսնում ենք, որ *սովորական* կամ *բուն* բացահայտիչ-բացահայտայի շարադասությամբ բնութագրական են՝ ա) բացահայտչի հետադաս կիրառությունը, բ)բացահայտչի՝ բացահայտային թե՛ անմիջապես մոտ, թե՛ հեռու դրվելը:

Բ) Մասնական բացահայտիչ: Արդի հայերենում տարբերակվում է *մասնական բացահայտիչ*, որը ձևավորվում է *իրրև*, *որպես*, *ինչպես* նախադրություններով՝ շարադասվելով բացահայտայից թե՛ առաջ, թե՛ հետո¹³: Գրաբարում այդպիսի բացահայտիչ առաջինը տարբերակել է Մ.Ղազարյանը՝ նշելով, որ այն բացահայտայի հետ կապվում է *իրրև*, *որպես* և այլ բառերով¹⁴:

Գրաբարում *ինչպես* նախադրությամբ ձևավորված մասնական բացահայտչի օրինակ չկա, որովհետև, ի տարբերություն արդի հայերենի, գրաբարում այդպիսի նախադրություն չկա: Գրաբարում մասնական բացահայտիչը ձևավորվում է միայն *իրրև* և *որպես* նախադրություններով:

Եթե *սովորական* կամ *բուն* բացահայտիչը տարբերակվում է շարադասությամբ և տրոհվող արտաբերությամբ, ապա *մասնական բացահայտիչը* նմանատիպ կառույցներից տարբերելու այդպիսի միջոցներ չունի: Ուրեմն պետք է կողմնորոշվել միայն կառույցի արտահայտած իմաստով. արդյոք մասնակիորեն բացահայտում է առարկայի այս կամ այն հատկանիշը, ով կամ ինչ լինելը: Եթե այո՝, ուրեմն մասնական բացահայտիչ է:

Մասնական բացահայտչի օրինակներ՝ կազմված *իրրև* նախադրությամբ՝

Եւ զնա *իրրև* զմի յայլոց մասանց տուեալ մեզ յառաջնորդութիւն լուսոյ [ՀՀ, 5 (1), 113]: Չանօրէն *իշխանն* խաբեցաք պատրեցաք *իրրև* զմանուկ մի տղա անպիտան (նտ.): Ծաղկակալ *սկսեղբն* *իրրև* զինու վարեցաւ [նտ., 7 (1),

¹³ Տե՛ս Վ.Առաքելյան, Հայերենի շարահյուսություն, հ. Ա, Ե., 1965, էջ 275 («Դիմաքսյանը սկսեց այցելել Ներսիսյան դպրոցը *ինչպես ուսուցիչ*», «Աբոյանցը՝ *ինչպես* հին վաճառական, տեղեկություն չի ունեցել»), Մ.Աբրահամյան, ճշվ. աշխ., էջ 293 («Հակոբյանը, *որպես ուսուցիչ*, չքեն արդարացնում էր», «Առաջին օրը, *իրրև նորածնություն*, մենք խոսեցինք քաշվելով ու կեկտուր»), Ռ.Իշխանյան, ճշվ. աշխ., էջ 172–175 («*Իրրև* վաղեմի *պատմագիր*, դողացող ձեռքերով ես գրում եմ իմ պատմության վերջին էջերը», այլ շարադասությամբ էլ՝ «Ես, *իրրև* վաղեմի *պատմագիր*, գրում եմ <...>»):

¹⁴ Հմտ. «Ժամանակակից՝ հայերենի նման գրաբարը նույնպես ունի *սովորական* եւ *մասնական բացահայտիչ* (ընդգծումը մերն է–Է. Մ.): վերջինս բացահայտիչի (վրիպակ է. պետք է լինի բացահայտայի–Է. Մ.) հետ կապվում է *իրրև* նախադրությամբ և զ նախդիրով, ինչպես նաև *որպես*, *այն է*, *այսինքն* և այլ բառերով» (տե՛ս Մ. Ղազարյան, ճշվ. աշխ., էջ 427): Ընդհանրապես բացահայտչի մասին խոսելիս էլ գրում է. «Բացահայտիչը հաճախ դրվում է *այս է*, *այն է*, *որ է*, *յայտ է*, *ինձ*, *ստեմ*, *այսինքն* եւ այլ մեկնական արտահայտությունների հետ, իսկ երբեմն էլ բացահայտայի հետ կապվում է *իրրև*, *որպես* եւ այլ բառերով <...>» (նտ., էջ 425):

766]: Մի ոք աստանօր *զմեզ* անուսումն համարեալ բամբասիցէ *իբրեւ զանվարժ* ճմանս եւ *զտգէտս* (նտ.):

Բացահայտյալը կարող է զեղչվել. մնան դեպքում զեղչված անդամի տեղը որոշվում է ենթադրությամբ: Օրինակ՝ *Իբրեւ հովիւ* հովուեսցէ զխաշինս իւր [ՀՀ, 4(1), 578]: *Իբրեւ հովիւ* մի հովուեսցէ զխաշինս իւր (նտ.):

Այս օրինակներում զեղչված է ենթակա-բացահայտյալը, որը կարելի է վերականգնել զեղչված ենթակայի վերականգնման միջոցներով, սակայն որտե՞ղ դնել. կապակցությունից առաջ, թե՞ հետո՝ *Նա իբրեւ հովիւ, թե՞ Իբրեւ հովիւ նա*: Երկուսն էլ ընդունելի են:

Մասնական բացահայտչի օրինակներ՝ կազմված *որպէս* նախադրությամբ՝

Որպէս զանասունս ի մէջ օդոյ՝ *որք* ի մնա եմ եւ զատուցեալք ի մնանէ [ՀՀ, I, 703]: Եւ պատուհասեալ *զնոսա որպէս զմահապարտս* [նտ., 3, (3), 257]: Ներեսջիր *ինձ որպէս տկարամտի* [նտ., 6 (2), 106]: Սիրեցին *որպէս սուսեր զլեզուս* իւրեանց (նտ.): Ջայս ամենայն պարզելէ մեծն Տրդատ *մարդկան* ազգին Կամսարականաց, *որպէս մտերմաց* եւ արեան կցորդաց ազգին Արշակունեաց [նտ., 7 (3), 261]:

Այս նախադրությամբ կազմված բացահայտչի բացահայտյալը ևս կարող է զեղչվել: Հաւատարմացաւ մնա *որպէս* արդարեւ միամիտ *գործակից* (նտ.):

Բերված օրինակներից երևում է, որ մասնական բացահայտիչները գերազանցապես հետադաս գործածություն ունեն, թեև նշում ենք նրանց ազատ շարադասության մասին: Թերևս սա էլ է հաստատում այն փաստը, որ բացահայտիչը բացահայտող, մեկնաբանող անդամ է առավելապես իր նախադաս լրացյալի համար:

Գ) Մասնավորող պարագայական բացահայտիչ: Գրաբարի քերականները բացահայտչի այս տեսակը չեն նշում: Արդի հայերենի քերականագիտության մեջ ընդունված է բացահայտչի նաև այս տեսակը, պարզ է, ելնելով գրավոր խոսքի տվյալներից: Ճիշտ են անվանում բացահայտչի այս տեսակը՝ *պարագայական*, որովհետև այն բացահայտիչը, որ կարող է արտահայտվել բառով, կապակցությամբ, ինչ-որ կառույցով, *մասնավորում*, որոշակիացնում է *պարագայական*¹⁵ իմաստը: Հատկապես մասնավորվում են տեղի, տարածական իմաստները¹⁶: Գրաբար խոսքը նույնպես ունի պարագայական իմաստների որոշակիացման այդպիսի հնարավորություններ ու դրսևորումներ: Ուստի քերականական այս գիտելիքը անհրաժեշտ է տարածել գրաբարի համապատասխան կապակցությունների վրա, որոնք ձևավորվում են գրաբարի քերականական օրինաչափություններով ու միջոցներով: Օրինակ՝ Իսկ որդի նորա Արամայիս շինէ իւր տուն բնակութեան *ի վերայ ոստոյ* միոյ, *առ եզերք գետոյն* (Խ., 48): Եւ ճամբարն Երուանդայ էր բացագոյն *ի քաղաքէ* նորին աւելի քան երեք հարիւր ասպարիսաւ *ի հիւսիսոյ, ի վերայ գետոյն* Ախուրեան (նտ., 202): Ջկնի այսորիկ հրաման տայ Սմբատայ՝ երթալ յամուրն Բագարան, որ *հուպ ի քաղաքն* Երուանդայ *ի վերայ* Ախուրեան *գետոյ* (նտ., 206): Իսկ որք էին *ի ներքս, ի վանս*

¹⁵ Հմմտ. *մասնավորող պարագայական բացահայտիչ* (Մ. Աբրահամյան, նշվ. աշխ., էջք 290, 294), *պարագայական մասնավորող բացահայտիչ* (Ռ. Իշխանյան, նշվ. աշխ., էջք 165, 171, 172):

¹⁶ Ռ. Իշխանյանը մասնավորում է նաեւ ժամանակի իմաստը. «Սեպտեմբերի 11-ին, ժամը 19.30-ին ժողովարարների տանը տեղի կունենա կիթառի երեկո» (տե՛ս նշվ. աշխ., էջ 172):

սպարապետին (Ե., 130): Այսոքիկ են իշխանքն, որք չոգան ի թագաւորէն մեծէ Արշակայի Հայոց աշխարհէն *առ կայսրն* Յունաց *առ Վաղէս* (Բ., 164)¹⁷: Որ եղէ *ի* Բագաւան *յաւանին*, *ի* Բագաւանդ *գաւառին* [ՀՀ, 3 (1), 263]: Քանզի անդէն շուրջ *գրադաքսլն* էին, *մօտ ի քաղաքն* (Ագ., 126): Եւ ամենայն իշխանք խաղացին գնացին յԱյրարատեան *գաւառէն*, *ի* Վաղարշապատ *քաղաքէ* (նտ., 450): Եկին դարձեալ *յեղիին* *ի տեղին* *ցանկալի* (Բ Թոռ 487)¹⁸:

Բացահայտիչ-բացահայտյալի համաձայնությունը: Գրաբարի բոլոր քերականները բացահայտչի և բացահայտյալի համաձայնությունը բնութագրել են ըստ իրենց ըմբռնած բացահայտչի բովանդակության և շարահասության, որոնք, ինչպես տեսանք, ունեն պակաս կողմեր: Ուստի, չանտեսելով այդ քերականների ճիշտ և առողջ վերլուծություններն ու բնութագրումները, բացահայտիչ-բացահայտյալի համաձայնությունը բնութագրում ենք բացահայտչի՝ ըստ մեր ներկայացրած տեսակների և նրանց շարահասությունների:

Բացահայտչի երեք տեսակներից համաձայնում են *սովորականը* կամ *բունը* և *մասնականը*:

Սովորական կամ բուն բացահայտչի և բացահայտյալի համաձայնությունը: *Սովորական* կամ *բուն* բացահայտիչը բացահայտյալին համաձայնում է հոլովով և թվով: Ըստ որում, անձնանունը, լինի բացահայտիչ թե բացահայտյալ, համապատասխանաբար ունենում է եզակի թվով բացահայտյալ կամ բացահայտիչ: Հոգնակի բառերը կամ թվական (մեկից բարձր) լրացումով բացահայտյալները ունենում են հոգնակի թվով բացահայտիչներ: Հոգնակի բացահայտյալը կարող է ունենալ բազմակի բացահայտիչ, և, հակառակը, բազմակի բացահայտյալը՝ հոգնակի բացահայտիչ. այսպիսի համաձայնություն առավել հմարավոր է մեկնական բառերի գեղջման կամ առկայության դեպքում: Համաձայնում են բացահայտիչ-բացահայտյալի նախորդավոր ձևերը՝ անկախ նրանց արտահայտած իմաստներից:

Բացահայտչի և բացահայտյալի համաձայնության օրինակներ՝ ըստ հոլովների, որտեղ դրսևորվում են համաձայնության հիշյալ առանձնահատկությունները.

1. Ուղղական հոլովով բացահայտիչ՝

Որոց դիպեալ ի հետի ընդ մէջ անցանէ *Գիսակ որդի* ստնտուին Արտաշիսի (Խ., 204): Յայնժամ գայ առ նա ազգականն իւր եւ հարազատ *Կամսար, որդի* Պերոգամատայ (նտ., 266): Եկն *Վարդ* ողջ գերծեալ ի կապանացն զօրութեամբն աստուծոյ, *եղբայր* զօրավարին Հայոց Վահանայ Մամիկոնէի (Բագ., 324): *Ես տէր* խօսեցայ (նտ.): *Ես հովիւս* յանցեայ (նտ.): *Նոքա՝ հերձուածողքն* առնեն (նտ.): *Եւ մոքա՝ կողմանքն* երկոքին ընդ միմեանս խստնէին (նտ.):

Հետևյալ օրինակներում կան կամ բազմակի բացահայտյալ (*Պապն* եւ *Աթանազիներն*), կամ բազմակի բացահայտիչ (*Արշակ* եւ *Խոսրով*, *մահ* եւ *սուգ* եւ *սով*, *Հոգին*, *ջուրն* եւ *արիւն*).

Եւ *Պապն* եւ *Աթանազիներն* երկոքեան *եղբարքն* այսպէս սատակեցան (Բ., 76): Երկոքեան *թագաւորքն* Հայոց՝ *Արշակ* եւ *Խոսրով* ի մէջ երկու բաժնացն սահմանս արկեալ հաստատէին խաղաղութեամբ (նտ., 400): Վասն այ-

¹⁷ Առ Վաղէս նախորդավոր ձևը կարելի է մահ բուն բացահայտիչ համարել:

¹⁸ Հմմտ. Մ. Մինասեան, Դասական հայերէնի նկարագրական քերականություն, Ժնև, 1996, էջ 359:

նոռին ի միում ատուր եկեսցեն ի վերայ դորա *հարուածք՝ մահ* եւ *սուգ* եւ *սով* (Յայտն., ԺԸ, 8)*: Սորա *երեքին* են որ վկայեն, *Հոգին*, *ջուրն* եւ *արքին* (Ա Յով., Ե, 8)*:

Բացահայտիչը կարող է արտահայտվել *դերբայական դարձվածով*

Այլք *մեք ապրեալքս զօրութեամբ Աստուծոյ*, եւ *հաստատեալքս հաւատովքն ի յոյսն Քրիստոսի*, որ եկն եւ էառ ի սուրբ կուսէն զմարմին մերոյ բնութեանս (Ե., 174):

2. Սեռական հոլովով բացահայտիչ՝

Թագաւորեցուցանէ ի քսան եւ իններորդի ամի *Դարեհի* Պարսից *արքայի* (Խ., 206): Ջի աշծմիկ *ձեր ծառայից զմեր տերանց* ձերոց զբարձ կալեալ է (Բ., 258): Ջի՞արդ երեւէր ընտրութիւն գործոցն եթ ոչ ունէր մարդն իշխանութիւն *երկոցունց*, եւ *անսալոյ* եւ *չանսալոյ* (ՀՀ, I, 270): Յետ այսր վախճանեալ եպիսկոպոսապետն Ասպուրակէս, ի տեղի նորա յաջորդէ Խոսրով զՍահակ որդի մեծին *Ներսիսի, որդւոյ* Աթանազենի, *որդւոյ* Յուսկան, *որդւոյ* Վրթանիսի, *որդւոյն* սրբոյն, Գրիգորի [մտ., 7 (3), 241]:

3. Տրական հոլովով բացահայտիչ՝

Ջի եւ *ձեզ. անգիտելոց* եւ *յանցուցելոց*, լիցի թուութիւն (Ագ., 334): *Երկու կողմանցդ* լինիցին մեղք, *նոցա* եւ *ձեզ* (Բագ., 324): Հասարակաց *ամենեցուն* օրէնս դնէ, *մեծատանց* եւ *աղքատանց* (մտ.):

Տրական հոլովի իմաստով բացահայտիչը կարող է արտահայտվել նախդրավոր (*ի, ց, ք*) հայցականի ձևերով: Նախդրավոր բացահայտիչները բացահայտյալներին համաձայնում են հոլովով և թվով:

Օրինակ՝ Մեք, ասեն, բանգի չեմք բաւական մերձենալ *յամենեցունց պատճառն, յէն, ի գոյն ի մշտնջենաւորն* եւ *յանմատոյցն* (ՀՀ, I, 315). այս օրինակում համաձայնութիւնը յուրահատուկ է. բացահայտիչները նույնիմաստ բառեր են (*էն, գոյր, մշտնջենաւորը, անմատչելին*, այսինքն՝ *Աստված*), որի պատճառով բացահայտյալը եզակի թվով է, թեև ունի հոգնակի լրացում (*յամենեցունց պատճառն*): Ասէ Աբրահամ *ցծառայն* իւր *ցերէց* տան իւրոյ, *ցիշխան* ամենայն ընչից նորա (Գ. Աւետ., 334): *Առ Լաբան որդի* Բաբուէի ասորոյ՝ *եղբայր* Ռեբեկայ (մտ.). *առ* նախդիրը զեղչված է. վերաբերում է նաև *որդի* և *եղբայր* բառերին: *Առ* ամենայն *ազգս* տէրութեան իմոյ՝ *արեաց* եւ *անարեաց*, բազմասցի ի ձեզ ողջոյն մարդասիրութեան մերոյ (Ե., 18). այստեղ բացահայտյալը նախդրավոր ձև է՝ տրականի իմաստով, իսկ բացահայտիչները՝ աննախդիր տրական հոլովաձևեր:

4. Հայցական հոլովով բացահայտիչ՝

Եւ *զՆերսէհ զորդի* որդւոց իւրոց ստնտուին Գիսակայ, ազգ զնա սերելով՝ անուն կոչէ զնահատակութեան հօրն Դիմաքսեան (Խ., 206): Նա եւ այլ *կանայս* առեալ, *զմերձաւորս* Արտաշրի բնութեամբ ունի զկողմանս զայնոսիկ (մտ., 286): Բնակեցուցանէ եւ *երիս աւանսն, զհրամ*, եւ *զՋուղայ* եւ *զԽորշակունիս* իսկ ի միւս կողմանէ գետոյն [ՀՀ, 7 (3), 348]: Կոչեաց *զԵստ զորդի* իւր զերեց (Գ. Աւետ., 334): Ետ *զԿղէոպատրա զդուստր* իւր (Բագ., 324): *Ջմեզ զառաքեալս* յետնորդս արար (Չալ., 255):

Նախդրավոր հայցականով բացահայտիչ, որ արտահայտվում է նախադասությամբ՝ ամենայն օրէնք *ի մի բան* կատարին, *ի սիրեսցեսն զընկերքս իբրեւ զանձն քո* (Բագ., 325). Ա. Բագրատունին մեկնաբանում է. «ուր ամբողջ բանդ բացայայտիչ կայ *միոյ բանին*»¹⁹:

¹⁹ Ա. Բագրատունի, Հայերէն քերականութիւն ի պէտս զարգացելոց, Վենետիկ, 1852, էջ 325:

Եթե բացահայտիչը և բացահայտյալը մեկնական բառով են կապակցվում (մեկնականը կարող է և գեղջվել), կարող են չհամաձայնել:

Օրինակ՝ Մի՛ սիրեր *զծություն* եւ *զքուն*, *զվայրն* ամենայն թշուառութեանց (Չալ., 255). բազմակի բացահայտյալը ունի եզակի բացահայտիչ. մեկնականը գեղջված է, իսկ *մայրն* բացահայտիչը փոխաբերական և ընդհանրացնող իմաստով է:

5. *Բացառական հոլովով բացահայտիչ՝*

Յերկուց բնութեանց են՝ *ի մարմնաւորաց* եւ *յանմարմնոց* (ՀՀ, I, 51): Այլ նա աւասիկ իբրեւ զկառս իմն լծեալ *ի չորից երիվարաց* զաշխարհս տեսանեմք, *ի ջերմութենէ* *ի ցրտութենէ* *ի ցամաքութենէ* եւ *ի խոնաւութենէ* (Եզն., 14): *Յերկուց հակառակացն* խառնեալ, *ի բարսոյն* եւ *ի չարէ* (Բագ., 324): Զի՞արդ *յինէն* ըմպել խնդրես՝ *ի կնոջէ* սամարացոյ (Չալ., 255):

Տարբեր օրինակներում գործածված բազմակի բացահայտիչների համար բնորոշ և ընդհանրական է թվական լրացումով բացահայտյալ ունենալը՝ *յերկուց բնութեանց*, *ի չորից երիվարաց*, *յերկուց հակառակաց*:

6. *Գործիական հոլովով բացահայտիչ՝*

Մեծարեցաւ ի մմանէ բազում պատուով եւ մեծաւ փառօք, բազում *զանձու ռսկով* եւ *արծաթով* (Բ., 194). *զանձ* հավաքական իմաստով է, որի համար էլ եզակի թվով բազմակի բացահայտիչ ունի: *Մեք* բարոգեցաւ, *ինն* եւ *Միղուանոսի* եւ *Տիմոթէի* (Բագ., 324): Շրջել *զեղբարքն* իւրովք, *զորդովքն* իւրայելի (Գ. Աւետ., 329-330):

Բացահայտիչը և բացահայտյալը երբեմն չեն համաձայնում.

Խառնք (պէտք) են՝ որ *յերկաքանչիւրոցն*, *բանի* եւ *գործով* (Գ. Աւետ., 332). այստեղ բացահայտյալը՝ *յերկաքանչիւրոցն*, դրված է բացառական հոլովով, ուրեմն հոլովական անհամաձայնություն կա: Եթե հոլովով համաձայնեին, կասկածությունը պիտի լիներ՝ ...որ (լինին) *երկաքանչիւրովք*, *բանի* եւ *գործով* կամ՝ *յերկաքանչիւրոց*, *ի բանէ* եւ *ի գործոք*:

Սովորական կամ բուն բացահայտչի և նրա բացահայտյալի հոլովական անհամաձայնության մի դրսևորում կա, որը գրաբարի ներքին օրինաչափության արդյունք է. բացահայտյալը սեռական հոլովով բուն ենթակա է անցյալ դերբայի մոտ, իսկ բացահայտիչը՝ ուղղական հոլովով: Օրինակ՝ Այսօր ժողովեալ *սրբոցն* ի միասին՝ երանելի *առաքեալքն* եւ սուրբ *կուսանք* (Գ. Աւետ., 332). *սրբոցն* հոգնակի սեռականը *ժողովեալ* դերբայ-ստորոգյալի բուն ենթական է: Նույնն է՝ Այսց երկուց բարգաւաճ *շնորհաց* նորոգչաց առ միմեանս եկեալ՝ *կարելն* ընդ *կամելն* (անդ):

Այդպիսով՝ գրաբարում սովորական կամ բուն բացահայտիչը՝ ա) հետադաս է, բ) համաձայնում է հոլովով և թվով. հազվադեպ լինում է անհամաձայնություն:

Սովորական կամ բուն բացահայտիչը արտահայտվում է բառերով, նախդրավոր ձևերով, նույնիսկ դարձվածով և այլ կասկածությամբ:

Մասնական բացահայտչի և բացահայտյալի համաձայնությունը:

Մասնական բացահայտիչը հոլովով և թվով համաձայնում է բացահայտյալին: Համաձայնությունը կատարվում է նախադրության խնդրի միջոցով. քանի որ նախադրությունները անփոփոխ են, այսինքն՝ չեն հոլովվում, ուստի համաձայնում են նախադրության խնդիրը (կապվող բառը) և բացահայտյալը:

Այսպիսի համաձայնության մեջ մի երևույթ արժանի է ուշադրության. քեւ *իբրեւ* և *որպէս* նախադրությունները սովորաբար ընդունում են հայցական

հոլովով խնդիր, սակայն այս պարագայում բացահայտյալի պահանջով նախադրության խնդիրը համապատասխան հոլով և թիվ է ստանում: Մա մի երեւիլոյթ է, որ հատուկ է նաև մյուս անդամների (ենթակա-ստորոգյալ, որոշիչ-որոշյալ, հատկացուցիչ-հատկացյալ) համաձայնութեանը: Նախադրության խնդիրը դրվում է թե՛ ուղղական և թե՛ թեք հոլովներով, եզակի կամ հոգնակի թվերով:

Ուրեմն՝ մասնական բացահայտչի համաձայնությունը առանձնահատուկ է նրանով, որ համաձայնությունը կատարվում է խնդիր-բաղադրիչի միջոցով, սակայն այն վերագրվում է ամբողջ բացահայտյալին:

Օրինակներ՝ 1. *Ուղղական հոլովով*

Իբրեւ ի բարերարէ անտի Աստուծոյ *սերեալք* բազմացան [ՀՀ, 4 (1), 578]. բացահայտյալը զեղչված է. պարզ է՝ *նորա*: Առաւել յայսմ հետէ պաշտելիք են ի մենջ եւ փառաւորեալք, *իբրեւ հեշտացուցիչք* եւ *կամակատարք* [նտ., 7 (1), 766]. այստեղ նույնպէս զեղչված է բացահայտյալը, որի հոգնակի լինելը երևում է ստորոգելիից՝ *պաշտելիք*:

2. *Տրական հոլովով*

Ներեսջի՛ր *ինձ որպէս տկարամտի* [ՀՀ, 6 (2), 106]: Ձայս ամենայն պարզեւէ մեծն Տրդատ *մարդկան* ազգին Կամսարականաց, *որպէս մտերմաց եւ արեան կցորդաց* ազգին Արշակունեաց [նտ., 7 (3), 261]: Տայ *մնա* ժառանգութիւն *որպէս ազգականի* իւրուն եւ մտերիմ *հարազատի* (նտ.): Յանձն առնէ զաշխարհիս *Արշարի Կամսարականի, որպէս զխաւորի եւ յոյժ պատուականի* յետ արքայի (նտ.):

Նախդրիվ տրական՝ Գրէին ի նա՝ *իբրեւ ի հայր* (Բ Թոռ 400)²⁰:

3. *Հայցական հոլովով*

Եւ պատուիասեալ *զնոսա իբրեւ զմահապարտս* [ՀՀ, 3 (3), 257]: Եւ *զնա իբրեւ զմի* յայլոց մասանց տուեալ է մեզ յառաջնորդութիւն լուսոյ [նտ., 5 (1), 113]: Չանօրէն *իշխանն* խաբեցաք պատրեցաք *իբրեւ* զմանուկ մի *տղա* անպիտան (նտ.): Մի ոք աստանօր *զմեզ* անուսումն համարեալ բամբասիցէ *իբրեւ անվարժս* ոմանս եւ *զտգէտս* [նտ., 7 (1), 766]:

Բացահայտիչը եւ բացահայտյալը երբեմն չեն համաձայնում՝

Որպէս զանասունս ի մէջ օդոյ՝ *որք* ի նմա են եւ *զատուցեալք* ի նմանէ (ՀՀ, I, 703). հոլովական անհամաձայնություն կա, ինչը բացատրվում է *որպէս* նախադրության խնդրառությամբ, որն ստանում է հայցականով խնդիր՝ անկախ բացահայտյալի հոլովական արտահայտությունից: Միւրեցին *որպէս տուներ զեզուս* իւրեանց [նտ., 6 (2), 106]. այստեղ էլ թվային անհամաձայնություն կա:

4. *Բացառական հոլովով*

Եւ դու կալցես զաշխարհս, եւ բազմաց *յինէն* հանդիպեսցիս բարութեանց *որպէս ի մտերիմ հարազատ* [ՀՀ, 7 (3), 261]:

Այսպիսով՝

ա) գրաբարում *բացահայտիչների (սովորական կամ բուն և մասնական) համաձայնությունը բացահայտյալին* լինում է հոլովով, թվով, հազվադեպ՝ դեմքով, եթե բացահայտյալը անձնական դերանուն է, իսկ բացահայտիչը՝ համապատասխան դիմորոշ հոլով (օրինակ՝ *Ես հովիւս* յանցեայ).

բ) *թվային համաձայնության դեպքում բացահայտյալները* կարող են լինել՝ եզակի կամ հոգնակի թվերով (նախդրավոր), անեզական, հավաքական

²⁰ Օրինակը տե՛ս Մ. Մինասյան, 624, աշխ., էջ 359:

իմաստով, թվական լրացումով, բազմակի, իսկ *բացահայտիչները* համապատասխանաբար՝ եզակի, հոգնակի կամ անեզական, հավաքական իմաստով, բազմակի և այլ կապակցություններ.

զ) հոլովական և թվային առանձնահատկությունները հազվադեպ են լինում:

ՀԱՄԱՌՈՏԱԳՐՈՒԹՅՈՒՆՆԵՐ

Ազ.-Ազաթանգեղոս, Հայոց պատմություն, Ե., 1983:

Բ.-Փավստոս Բուզանդ, Հայոց Պատմություն, Ե., 1987:

Բագ.-Ա. Բագրատունի, Հայերեն քերականություն ի պէտս զարգացելոց, Վենետիկ, 1852:

Գ.Աւետ.-Գ. Աւետիքեան, Քերականություն հայկական, Վենետիկ, 1815:

Ե.-Եղիշե, Վարդանի և հայոց պատերազմի մասին, Ե., 1989:

Եզն.-Եզնիկ Կողբացի, Եղծ աղանդոց, Ե., 1994:

Խ.-Սովսես Խորենացի, Հայոց պատմություն, Ե., 1981:

Ծն.-Գիրք ծննդոց, Ե., 1985:

ՀՀ-Հայկական համաբարբառ:

Չալ -Վ. Չալիխեան, Քերականություն հայկազնեան լեզուի, Վիեննա, 1885:

СОЧЕТАНИЕ ПРИЛОЖЕНИЯ С ЕГО ОПРЕДЕЛЯЕМЫМ В ДРЕВНЕАРМЯНСКОМ ЯЗЫКЕ (ГРАБАРЕ)

Յ.Տ.ՄԿՐՏԿՅԱՆ

Р е з ю м е

Из второстепенных членов, относящихся к именному словосочетанию предложения, особо следует рассмотреть словосочетание, главным членом которого является приложение.

Синтаксические и структурные особенности приложения и его определяемого анализируются с характеристикой видов приложения. Последнее имеет три вида: *обычное* или *истинное* приложение, *частное* и *частно-обстоятельное*.

В грамматике грабара идентифицировались определение, выраженное существительным, и приложение.

Попытка разграничения этих двух понятий была сделана Г.Аветисяном. В данной статье их различие конкретизируется и углубляется на основе оригинальных текстов.